

प॒त्यो वा अ॒श्वः । पृ॒जाप॑तिमे॒वा॒ल॒भ॒ते । अ॒थो श्री॒र्वा
एक॑शफ॒म् । अ॒यमे॒वाव॑रु॒न्धे । गा॒मा॒ल॒भ॒ते ॥ २ ॥

य॒ज्ञो वै गौः । य॒ज्ञमे॒वा॒ल॒भ॒ते । अ॒थो अ॒न्नं वै गौः ।
अ॒न्नमे॒वाव॑रु॒न्धे । अ॒जा॒वी आ॒ल॒भ॒ते भू॒म्ने । अ॒थो पु॒ष्टि-
वै भू॒मा । पु॒ष्टिमे॒वाव॑रु॒न्धे । प॒र्य॒ग्निक॑तं पु॒रुष॑च्चार-
ण्याः॒श्चोत्सृ॑ज॒न्त्यहि॑ः॒सायै॑ । उ॒भौ वा ए॒तौ प॒शू आ-
ल॑भ्येते । यश्चा॒व॒मो यश्च॑ प॒र॒मः ॥ तेऽस्यो॑भये॒ य॒ज्ञे ब॒द्धाः ।
अ॒भीष्टा॑ अ॒भिप्री॑ताः । अ॒भिजि॑ता अ॒भिहु॑ता भव-
न्ति । नैनं॑ दं॒क्ष्णवः॑ प॒शवो॑ य॒ज्ञे ब॒द्धाः । अ॒भीष्टा॑ अ॒-
भिप्री॑ताः । अ॒भिजि॑ता अ॒भिहु॑ताहि॒ःसन्ति॑ । योऽश्व-
मे॒धेन॑ यज॒ते । य उ॒चैन॑मे॒वं वेद॑ ॥ ३ ॥

ल॒भ॒ते गा॒मा॒ल॒भ॒ते प॒र॒मोऽष्टौ॑ च ॥ अनु० ८ ॥

नवमोऽनुवाकः ।

पृथ॑मे॒न वा ए॒ष स्तो॒मेन॑ रा॒ध्वा । च॒तु॒ष्टो॒मेन॑ कृ॒ते-
ना॒या॒नामु॒त्तरे॑ह॒न् । ए॒कवि॑ं॒शे प्र॑ति॒ष्ठायां॑ प्र॒ति॒ति-
ष्ठ॑ति । ए॒कवि॑ं॒शात् प्र॑ति॒ष्ठाया॑ कृ॒तून्वा॒रोह॑ति । कृ॒त-
वो॒ वै पृ॒ष्ठानि॑ । कृ॒तवः॑ संवत्सरः । कृ॒तु॒ष्वेव॑ संव-
त्स॒रे प्र॑ति॒ष्ठाया॑ । दे॒वता॑ अ॒भ्यारो॑हति । श॒क्र॒रयः॑ पृ॒ष्ठं